

Mohd Amirul Kasyful Nur bin Zulkifli

From: Unit Komunikasi Korporat
Sent: 06 April 2017 14:13
To: UUM - All Staff; UUM - All Students
Subject: MoA UUM-UMW Grantt Bukti Kepentingan Kolaborasi Universiti Dan Industri



Unit Komunikasi Korporat
CORPORATE COMMUNICATION UNIT
Universiti Utara Malaysia



6 APRIL 2017 / 9 REJAB 1438H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Shamsaimi Ezil

MoA UUM-UMW GRANTT BUKTI KEPENTINGAN KOLABORASI UNIVERSITI DAN INDUSTRI



UUM ONLINE: Dalam usaha memperkenalkan jenama GRANTT kepada warga Universiti Utara Malaysia (UUM), UMW Grantt International Sdn Bhd (UMW Grantt) dan UUM menerusi Pusat Pengajian Antarabangsa (SoIS) telah mencapai kesepakatan dengan memeterai dua Memorandum Perjanjian (MoA) di EDC Hotels & Resorts, hari ini.

MoA itu ditandatangani oleh Naib Canselor, Prof Dato' Seri Dr Mohamed Mustafa Ishak dan Presiden, Bahagian Kejuruteraan dan Pembuatan UMW, Megat Shahrul Azmir Nordin.

Naib Canselor dalam ucapannya berkata, kerjasama antara UUM dengan UMW merupakan julung kali diadakan dengan termeterainya dua MoA iaitu melibatkan persetujuan UMW menjadi penaja salah satu Inapan Siswa (INASIS) selama 10 tahun dan kerjasama dengan SoIS bagi tempoh tiga tahun dalam bidang penyelidikan dan penajaan aktiviti pelajar.

"Dengan termeterainya usahasama ini, membuktikan kerjasama antara universiti dan industri sangat penting kerana kita tidak mahu universiti terasing dan berada dalam dunianya sendiri.

"Selain itu, kita juga akan mula menggalakkan semua warga UUM termasuk pelajar untuk menggunakan produk minyak pelincir GRANTT pada kenderaan mereka dan sekali gus ia melengkapkan kerjasama dengan UMW," katanya.

Tambah beliau lagi, skop kerjasama antara UUM dan UMW Grantt adalah luas dan besar meliputi pelbagai bidang untuk pembangunan pelajar, penyelidikan dan peluang kolaborasi lain dalam membantu aspek perniagaan mengikut keperluan kedua-dua pihak.

Sementara itu, Presiden, Bahagian Kejuruteraan dan Pembuatan, Megat Shahrul Azmir Nordin berkata, perjanjian yang dimeterai itu adalah hasil daripada beberapa siri perbincangan dan mesyuarat yang diadakan oleh kedua belah pihak sehingga mencapai persetujuan bersama yang dapat memberi manfaat kepada kedua-dua pihak.

Menurutnya, hasil MoA itu, UMW Grantt yang merupakan pembuat dan pengeluar produk minyak pelincir kenderaan berpiawaian antarabangsa itu akan memberi penajaan kepada UUM melalui SOIS untuk aktiviti pelajar, penjenamaan INASIS Grantt dan pelantikan Uniutama Property Sdn Bhd (UPSB) sebagai pengedar sah minyak pelincir Grantt bagi komuniti UUM dan penjenamaan bengkel kenderaan.

Ujarnya, sebagai sebuah syarikat swasta yang mencecah usia satu abad pada tahun ini, pihaknya berasa amat bertuah dan berbangga kerana diberi kesempatan untuk bekerjasama dengan sebuah institusi pengajian tinggi tempatan seperti UUM.

"Usaha ini sememangnya amat bermakna bukan sahaja untuk kepentingan perniagaan kami, malah juga untuk pihak pengurusan UUM bersama-sama membangunkan semangat keusahawanan dan mempertingkatkan agenda inovasi demi kepentingan bersama.

"UMW juga melihat usaha ini sebagai tanggung jawab korporat kami untuk melaksanakan kewajipan yang dapat dimanfaatkan oleh komuniti UUM keseluruhannya, malah tawaran diskaun turut diberikan kepada mereka yang membeli produk UMW Grantt ini" katanya.

Kemudian, delegasi UMW Grantt dibawa melawat ke bengkel penyenggaraan kenderaan UUM, INASIS Grantt dan sekitar kampus.

Hadir sama Timbalan Naib Canselor (Hal Ehwal Pelajar dan Alumni), Prof Madya Dr Abdul Malek Abdul Karim; Ahli Jawatankuasa Pengurusan Universiti dan pegawai-pegawai kanan UUM dan UMW Grantt.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.